

ТОНГ ЮЛАДУЗИ

Ўзбекистон болалари ва ўсмирларининг газетаси

Газета 1929 йил 1 августдан чиқа бошлаган

№ 3 (66232)
2000 йил 20 январь.

Сотувда эркин нархда

Аниқлик

qadimiy oqsoqol

КАЧОН БОШЛАНАДИ, ЎЗИ?

Баъзан радио ва телевидение орқали чиқишларда янги йилни биров “асримизнинг сўнгги йили” деса, бошқа биров “янги асрни кутиб олаяпмиз” демоқдалар.

Дарҳақиқат, 1999 йилнинг 31 декабрь куни тунда инсоният XX асрнинг сўнгги йилини кутиб оладими ёки XXI асрнинг 1-йиллими?

Мутахассисларга ва энг ишончли манбаларга шундай савол билан мурожаат қилдик ва бу борада қуйидаги маълумотларни олдик.

Ҳозир амалда бўлган Григорий тақвими бўйича йил ҳисоби янги эрнинг 1-йилдан бошланади. Шу сабабли ҳар юз йиллик ўша йилликнинг охирида якунланади. Шу тариқа 2000 йилнинг 31 декабрь тунида XX аср, яъни иккинчи минг йиллик тугайди, учинчи минг йиллик (XXI аср) эса 2001 йилнинг 1 январидан бошланади.

Даврни белгилашда хатоликка Рус императори Петр I нинг фармойиши сабаб бўлди. У тақвимга ўзгартириш киритиб, ўзининг “Янги йилни кутиб олиш ҳақида”ги фармонида, жумладан шундай деди:

“Ҳозир Христос туғилишидан бери 1699 йил ўтди, келаётган 1 январдан янги - 1700 йил ва янги юз йиллик бошланади”. Петр I фармонидаги мана шу жумла Григорий тақвимида амал қилувчи мамлакатлар янги асрни 1700 йил олдин кутиб олишни одат қилдилар. Айрим тарихчи-солномачиларнинг фикрича, даврни белгилашдаги бу хатолик Петр I дан ҳам анча илгари - Рим монахи Дионисийдан бошланган. У Рим папаси Иоанна I га хронология (изчил йилнома) тuzаётиб, ҳисобни олам яралган вақтдан эмас, балки Христос туғилган йилдан белгилади.

Демак, инсоният янги давр (учинчи минг йиллик) ва унинг биринчи асрини 2001 йилнинг 1 январидан кутиб олади.

SHUKRONA

Ajdodlari dono o'tgan Vatanim,
Avlodlari a'lo o'tgan vatanim.
Alpomishday alp qomatu sarv qomat,
Barchinlari barno o'tgan vatanim.

Sakkiz yili sarhadlari keng bo'ldi,
Har bir yili asrlarga teng bo'ldi.
Ona xalqim, mo'jizalar yaratding,
O'g'ling yoqa, qizing senga yeng bo'ldi.

O'ziga bek, o'zligi erk millatim,
Yomonlarga eshigi berk millatim,
Mehri sochiq, qo'li ochiq bag'ri keng -
Yuzdan ortiq millat deydi - Elatim!

Mustaqillik g'anamlari yo'q bo'lsin,
Yurt ishqida yongan qalblar
cho'g bo'lsin,
Mevasidan ham shirin mag'izlari,
Sog'lom avlod bolalari sho'x bo'lsin!
Jumboqlari mushkulotlar ko'p xali,
Kurashlarda chiniqamiz ho'p xali,

Kelar yaxshi zamonlaru havas-la,
Jahon ahli bizni qo'msar ko'rgali.
Ozod xalqim, qutlug' bo'lsin
yurtboshing,

Yana g'olib keldi ishonch-xohishing.
Istiqbolli manzillarni tanlading -
Ezgulikka chorlab tursin quyoshing.

Abdumannob Abdug'ani o'g'li.



МЕН КҮЁШ МЕВАСИМАН

Бугунги замонамизнинг хур бўлишига, истиқлол чечакларининг томир отишига сабаб бўлган ҳуррият куёши бундан 9 йил аввал ўзгача нур, ўзгача жило ила кўкка кўтарилган эди. Шунча йилдан буён у мустақиллигимизнинг юзини ёруғ, йўлини очиб қилиб, диёримизнинг мусаффо осмонида порлаб турибди.

Бу куёш - озодлик, эзгулик куёши.

Мен баъзан, ўз-ўзимга савол бераман: Қандай қилиб зимистонда ётган, нурсиз куёшимиз кўкда балқиди? Кимнинг мадади, кимнинг нури ила у дунё юзини кўрди?!

Балки, унда пайдо бўлган нур асрлар давомида эрк учун курашиб, “озодлик” дея жонини фидо қилган зотларнинг кўз нуридир?

Эҳтимол, асарларида истиқлолни куйлаб, юртини жаҳолатдан қутқариш ниятида ожиз бўлганларнинг кўз нуридир.

Чўлпоннинг даъвати, Қодирийнинг

матонати, Ҳамзанинг маърифати эмасмикин?

Эҳтимол куёшимизни узоқ яшашига, она заминни гуллаб-яшнатишига мадакор бўлаётган куч халқимиз, Президентимиз, адолатли қонуларимиз эмасмикин.

Оллоҳга беадад шукрлар бўлсинким, ҳурлик куёшининг заррин нурлари ҳамон кишиларимизнинг қалбини илитмоқда, келажак авлодимиз бўлмиш ёшларнинг қалбига эса маънавиятли, маърифатли бўлишга ундайдиган олий туйғу жо этмоқда.

Мен ҳуррият, озодлик куёши нуридан баҳраманд бўлиб яшаётган ҳар бир ёшга бахт ва омад ёр бўлсин дейман. Ҳали ҳам бундай улғу неъматдан бебаҳра бўлган кишиларга эса истиқлол нури насиб этишини тилаб қоламан.

Дилафрўз АҲМЕДОВА,
1-сон гимназия,
11-синф ўқувчиси.

Зирапча

ЭРТАККА ЙЎЙИЛГАН ОРЗУ

Сурхондарё вилояти, Шеробод туманида жойлашган Пахтақум қишлоғи серманзара, баҳаво жойлардан бири. Кенг далалар, пахтазорлар кўзни қувонтиради. Бироқ бу қишлоқ аҳолиси фарзандлари мактаб йўқлиги туфайли “Ўзбекистон” жамоа хўжалиги марказига қатнаб ўқишади.

Оралиқ масофани ҳисобласак, 2-3 километрни ташкил этади. Жамоа хўжалиги томонидан автобус ажратилган. Ёқилги танқислиги учун автобус бип ойна 3 ёки 4 марта қатнайди, холос. Баъзан эса шу ҳам йўқ. Қишнинг совуқ кунларида дарсга кечикмаслик учун сахар соат олтилар чамаси йўлга отланаётган болажонларни кўриб ачинаман. Ўша қишлоқдан марказга келувчи ўқитувчиларимизга ҳам ҳар томонлама оғир. Бу оғирликни улар зиммасидаги шартли вазифалар қаторига қўшишади. Бир тутамча қиёс қиш кунларида дарсдан сўнг уй вазифасини бажаришга энди ўтирган ўқувчи-ю ўқитувчилар яна муаммога дуч келишади. Лип этиб ўчиб қолган электр чироғи уларни шам ёнига мук тушишига мажбур этади. Шаҳарлик тенгдошларига ҳавас қилаётган қишлоқ болаларининг орзуларини эртакка йўйишига ҳаққимиз борми? Бу ҳақда ўйлаб кўринг.

Умида САОДАТОВА,
Тош ДУ талабаси.



Қадим замонда бир шахзода кишлоғидаги камбағал қизни севиб қолибди ва унга совчилар жўнатибди. Шунда қиз совчиларга: «Ўғлингизнинг қандай хунари бор?»- дебди. Улар қизга:

«Ўғлимиз шахзода, унга хунарнинг кераги йўқ,- дейишибди.

- Унда,- дебди қиз,- мен тўйга розилик бермайман. Ўғлингиз қачонки бирор хунар эгаси бўлса, шундагина унга турмушга чиқаман. Чунки бойлик, мансаб ўткинчи нарса, хунар эса ҳеч қачон йўқ бўлмайди. Орадан йиллар ўтиб, йигит гилам тўқишни ўрганибди ва улардан бирини қизга совга қилибди. Қиз гиламни кўриб, хурсанд бўлибди ва тўйга розилик берди...

Ха, хунарли хор бўлмайди, дейди халқимиз. Азал-азалдан ота-оналаримиз ҳам хунар урганишга интилишган. Ҳозир ҳам хунар ўрганишга интилаётган ўқувчиларимиз жуда ҳам кўп. Сизларни шундай тенгдошларингиз билан таништириш мақсадида Миробод туманидаги 21-хунар мактабига йўл олдим. Мени хунар мактабининг маънавият ишлари бўйича директор ўринбосари Дилором опа Гуломова кулиб қарши олдилар.

«Ўзи шунақа-да, бир-икки кун бўлмасангиз, ишлар кўпайиб кетади. Ҳатто бугунги газеталарни варақлашга ҳам қўлим тегмади,- дедилар куюнчаклик билан опа. Ўқувчилик давримда шу газетада мақолаларим чиқиб турарди.

Синфдошларим билан ҳар бир сонини йиғиб, тикиб қўярдик. Бу газетани болаларимдан аввал ўзим қизиқиб ўқийман.

Дилором опа, аввало газетамиз ҳақидаги илиқ гапларингиз учун ташаккур. Бу масканда ўн йилдан бери ишларкансиз. Мактабингиз ҳақида гапириб берсангиз.

«Бу хунар мактабида кенг асортиментдаги тикувчи-бичувчи мутахассислиги бўйича 9-11-синфни битирган қизлар ўқийди. 9-синфни битирган қизлар уч йил,

11-синфни битирган қизлар эса бир йил ўқийди. 9-синфни битириб келган қизларга ўрта маълумот тўғрисида шаходатнома ва хунар мактабининг дипломи берилади. Мактабимиздаги барча ўқитувчилар олий тоифали, ўз касбининг усталари. Улар бор билимларини ўқувчиларга беришга ҳаракат қилади. Мактабимиз ўқувчилари «Қизил тонг» корхонаси билан бево-сита алоқада. Ўқувчиларимиз барча амалий машғулотларини мазкур корхонада ўташади. Мактабни битиргач, хоҳлаган тикув корхоналарига бориб ишлашлари мумкин. Хунар масканимизда информатика хоналари бор. Турли тўғарақлар ҳам ишлаб турибди. Хуллас, қизлар бўш вақтларини бекорга ўтказишмайди.

Амалиётда қизларга маошининг 50 фоизи берилади. Шу қизларнинг ичида кам таъминланган



оилаларнинг фарзандлари ҳам бор. Улар учун маошининг 100 фоизи берилади. Мактабимизнинг гуруҳ раҳ-бавлари ота-оналар билан доимий алоқада бўлиб туради. Бундан ташқари, январ ойи учун ҳар гуруҳ қизларига «Ўз келажакимизни ўз қўлимиз билан яратамиз» мавзусида реферат тайёрлашни буюрганман. Шу ойнинг 20-январига рефератлар йиғиб олинади ва ой охирида натижаси айтилади. Қиладиган ишларимиз хали кўп. Тўғриси айтсам, бир ўзим ҳаммасига улгуролмайман. Менга бу ишда мактабимизнинг фаол ўқитувчиларидан Наргиза Пўлатова ёрдамлашиб туради. Наргизахон даставвал шу мактабни битириб кетган. Мана, ҳозирда қизларимизга таълим бермоқда.

Дилором опа, мактабга киришим билан қизларнинг бир хил формасига кўзим тушди. Бу формаларни ким жорий қилган?

«Формаларни мактаб устахонасида ўқитувчиларимиз тикишган.

«Хунар мактабидаги иқтидорли ўқувчи қизлар ҳақида билмоқчи эдим.

«Иқтидорлилар қизларимиз кўп. Улар тикиш-бичишдан ташқари пазандачилик, тўқиш сирларини ҳам билишади. Ўзингиз ҳам улар билан суҳбатлашиб кўринг.

Суҳбатдошим,
Шахноза ҚОЗОҚОВА
14-гуруҳ ўқувчиси.

«Бундан бир неча ой олдин Жалолиддин Мангубердиннинг та-валлуд топган кунлари нишонланди. Барча мактаблар қатори биз ҳам бу кунни байрам қилдик. Мен ушбу кечанинг сценарийсини ёздим ва тил адабиёти ўқитувчизга кўрсатдим. Ростини айтсам, тикувчилик кўлимдан келмайди деб ўйлардим. Лекин «Инсон қўли мўъжиза яратади» дейди халқимиз. Мана, бичиш-тикишга ҳам ўрганиб кетдим. Энди ўзим мустақил кўйлақлар тика оламан. мактабни битириб тўқимачилик ва енгил саноат институтига кириб ўқишни давом эттираман. Мақсадим келажакда яхши тикувчи модельер бўлиб, ўзбек қизларига кўркам ва чиройли либослар тикиш.

Махфуза ҚОСИМОВА, шу гуруҳ ўқувчиси.

«Мен Акмал Икромов туманидаги 193-мактабни аъло баҳоларга қизил шаходатнома билан битирганман. Ёшлигимдан тикишга қизиқардим. Биринчи марта 12 ёшимда қўғирчоғимга кўйлақча тикканман. Агар инсон олдига кўйган мақсади сари интилса, албатта унга етишаркан. Бу хунар мактабига мени ойижоним олиб келганлар. «Қиз бола сепли эмас, эпли бўлгани яхши, қўлингда хунаринг бўлса ишлаб топган нонинг бутун бўлади,- дедилар. Уларнинг бу гапларини доим эсимда сақлайман. Хунарсиз киши ҳаётда йўлини топа олмайди. Мен тенгдош қизларга билим олиб, яхши хунар эгаси бўлишлигини маслаҳат берардим.

Зилола ОРТИҚОВА,
16-гуруҳ ўқувчиси.

«Тикувчилик касби менга онамдан ўтган. Уларнинг чиройли кўйлақлар, костюмлар тикишларини кўриб, жуда ҳавасим келарди. Бу хунар мактабига келиб бичиш-тикиш сирларини ўргани-япман. Одам биргина хунарни ўрганиб, «хунарли бўлдим»,- дейиши нотўғри. Айниқса қизлар ҳамма нарсани билишлари керак,

Ўқиб ўрганишдан тинма бирон он.

Бўлишни истасанг ўзинг бир

Фирдавсий.

деб ўйлайман. Яқинда мен пазандачилик курсини ўргандим. Энди байрамларда, туғилган кунларда бемалол тортлар пишира оламан. Бундан ташқари укаларимга пайпоқ, нимча, шапкалар тўқиш ҳам кўлимдан келади. Келажакдаги орзуларимга келсак, ўқишимни давом эттириб устозимиз Дилором опадек ўз касбининг моҳир устаси бўлмоқчиман. Насиб қилса мактабга келиб ўқувчиларга дарс бераман.

Дилдора Турсунова

«Мен Чилонзор туманидаги 173- мактабнинг 9- синфини битириб келганман. Қизларнинг «Кўйлагимни ўзим тикдим» деган гапига ҳавасим келарди. Бу ҳавас мени шу хунар мактабига етаклаб келди. Тикувчиликка жуда ҳам қизиқаман. Бундан ташқари хунар мактабидаги раққосалик тўғарагига ҳам қатнашаман. Адабиёт фанига қизиқаман. Абдулла Орипов шеърларини севиб ўқийман. Келажакдаги орзуим ҳамшира бўлиш. Фурсатдан фойдаланиб «Соғлом авлод» йилида ҳаммага сиҳат-саломатлик тилайман.

Хунар мактабидан қайтар эканман, қизларнинг меҳр билан хунар ўрганаётганликларидан қувондим. Қувончимни сизлар билан бўлашгим келди. Сиз қандай хунар ўргана-напсиз? Хунардан зар унар, ахир. Бизга шу ҳақда ёзиб юборинг.

Озода ТУРСУНБОВЕВА.



Мунира опани яна шошиб турган бир пайтда учратдим.

- Дўхтир, янглишмасам иш вақтингиз тугади. Буни устига сиз мен билан суҳбатлашмоқчи эдингиз.

- Ҳа, ҳа, синглим, ёдимда. Сиздан минг бора узр сўрайман. Бугун ҳам суҳбатлаша олмайдиганга ўхшаймиз. Мана бу йигит билан янги чақалоқни кўргани кетаяпман. Бормасам бўлмайди.

Шундай қилиб бу галги режалаштирган суҳбатим ҳам амалга ошмади. Бу кетишда Мунира опа билан бафуржа суҳбатлаша олмасам керак. Демак, бошқача йўл тутишим лозим.

Эртасига пйтахтимиздаги 33-илавий поликлиникага келдим. Коржаулова Мунира Нурталиевнанинг таржимаи ҳолига доир маълумотларни олиш мен учун қийин бўлмади. Чунки Мунира опа олий тоифали педиатр даражасини олган шифокор сифатида ҳужжатларини жамлаган экан.

Аста ўқий бошладим: 1957 йил 8 сентябрда Оққўрғон шаҳрида туғилган. 1980 йил педиатрия институтини битириб, болалар шифокори мутахассислиги бўйича иш фаолиятини бошлади. 20 йиллик меҳнат фаолияти давомида Тошкент тиббиёт институтида, педиатрия илмий-тадқиқот институтида, 1993 йилдан буён эса 33-оилавий поликлиникасида гепатолог, оила шифокори бўлиб ишлаб келмоқда.

Шифокор қабулида турган ёш она Ғозиева Назокат шундай деди: -Қизалоғим 2 ёш. Лекин туғилганда камқонлик билан туғилган. Дастлаб ўзимнинг тобим бўлмай болани яхши парвариш қила олмадим. Ҳафсала-сизлик оқибатида рахитга чалинди. Бу воқеадан хабар топган Мунира опа физиовитаминотерапия усулида даволай бошладилар. Зулфия ҳозир эмакла-



КАМОЛОТ САРИ ЙЎЛ



япти. Дўхтиримиз сиқилманг, қизингиз тез кунда юриб кетади, деяптилар.

Суҳбатимизга ўзини Домбровская Тамара деб таништирган аёл ҳам қўшилди.

- Татьяна қизимнинг кўриш қобилияти еует. Шунинг учун Мунира Нурталиевнанинг доимий назоратида турамыз. Белги-ланган кундан салгина кечик-сак ўзлари ҳол сўраб борадилар.

- Рухсат берсангиз мен ҳам Мунира опа ҳақида ўз фикрларимни билдирсам - дейди Нодира исмли келинчак. - Мен поликлиникага келишимдан кўра, шифокоримиз Мунира опа кўпроқ бизнинг оилада бўладилар. Ҳамиша боламни назорат-

ларига олганлар. Шифокоримиз болаларимизга қанчалик куюн-чак ва меҳрибон бўлсалар, биз оналарга шунчалик талабчан ва қаттиққўллар. Кези келса яхши ҳам гапирдилар, танбеҳ ҳам берадилар. Мақсад эса битта, фарзандларимиз соғлом усан.

Соғлом болалар хусусидаги суҳбатимизга Муҳайё Зокирова, Ҳилола Каримовалар ҳам қўшилиб, ўз мулоҳазаларини билдирдилар.

Узоқдан бизнинг қаҳрамонимиз кўринди. Шифокор бироз безовта эдилар.

- Ассалому алайкум, Мунира опа, яна мен келдим.

- Салом, салом. Келинг,

ўғлингиз яхшими?

- Раҳмат, сиз билан гўдақларимиз, болаларимиз соғлиги хусусида гаплашмоқчи эдим. Шу билан бирга олий тоифали педиатр даражасини олганингиз билан табриклаймиз.

Мунира опа бугунги кунимизнинг болалари ҳақида нима дея оласиз.

- Мен аввало, шу гўдақларнинг оналари хусусида гапирмоқчи эдим. Ота-оналаримиз мустақил фикрлайдиган, масъулиятни сезадиган инсонлар бўлмоғи керак. Она-бола-шифокор ўртасида узилмас занжир бўлиши гўдақларни руҳий, жисмоний камолотига замин бўлади. Ёш ўзбек оналари аввало бола тарбияси, парваришини биринчи навбатдаги масала деб қарашлари лозим. Бу жараёни ҳомила пайдо бўлганидан бошлаш, аввало асаб тинчлиги, оиладаги соғлом муҳит, етарли, тўйимли овқатланиш, витаминлар билан тўйиниш биринчи галдаги вазифа саналиши лозим. Ана шундагина болаларимиз нимжон туғилмайди. Рахит бўлмайди.

Оналарнинг кўнгли тинч, ҳо-тиржам бўладилар.

Мен иш фаолиятим давомида яна бир нарсага амин бўлдим. Бу ҳам бўлса болаларни соғломлаштириш ишларини акушер-гинекологлар билан ҳамкорликда олиб бориш. Бу яхши самара беради. Яна бир масала. Биз кўпроқ гўдақнинг жисмоний соғлигига аҳамият бериш билан чекланамиз. Арасту: "Болани руҳи гўдақлигиданоқ катталарникидек бўлади. Уни камолотга етаклаш керак. Бола ҳар бир ҳаракатни тушунади. Тарбияни туғилмасдан бошлаш керак. Вужудни эса асраш лозим".

- Ажойиб фикрларингиз учун раҳмат.

Маҳлиё МИРСОАТОВА

Салом тенгдошлар!

Мактаб энг гўзал ва ҳамиша ёдда қоладиган воқеалар содир бўладиган маскан. Ҳеч кимга сир эмаски, "илк севги" ҳам шу мактаб даврида бошланади. Шундай эмасми? Ҳа, бу "севги" сўзи барчага бирдек таниш, бирдек ёқимлидир. Мактабдаги севги кимнингдир тақдирини бирлаштиради. Яна кимнингдир тақдирини ширин хотира бўлиб

қолади.

Севиш ва севилиш ҳам бир бахт. Шундай экан, сиз ҳеч қачон севиб қолишдан, севилишдан кўрқманг!

Бизнинг мактабда ҳам бундай севги ҳақидаги миш-мишлар йўқ эмас. Мен сизга баъзи бир миш-мишларни айтмоқчиман. Балки сизда ҳам шунга ўхшаш воқеалар рўй бергандир. Улар билан "танишинг".

Фулом исмли бир бола Гулнора исмли гўзал қизни севиб қолибди. Лекин у қиз бошқани севар экан.



Мўмин исмли йигитни Барно исмли қиз севиб қолганга ўхшайди. Сабаб йигит унга нисбатан ўзгариб қолибди.

Дилшод исмли йигит севгилисига Нигорага кўнғироқ қилибди. Дилшодга қизни чақириб беришибди. Йигит унга дил сўзларини айтаверибди. Қиз шунда сиз кимга кўнғироқ қиляпсиз деса, Дилшод ўзининг севгилисига қилаётганини айтибди. Қаранга,

ДУНИНИНГ ИШЛАРИ

телефондаги носозлик туфайли Дилшод бошқа хонадонга улашиб қолган. У севгилисига айтипман деб сўзлайверибди. Лекин Нигора исмли қиз 1-синф ўқувчиси экан.

Ана шунақа гаплар.

МУҲАББАТга деб хат ёзинг



Биз 1991 йил 1 сентябрдан бошлаб мустақил деб эълон қилиндик. Ҳар бир республика ўзининг урф-одатини, байрамларини, энг муҳими ўз тарихини унутмайди. Мустақил бўлгандан сўнг "14 январь", яъни Ватан ҳимоячиси кунини биз тантанали равишда байрам қиладиган бўлдик. Байрамлар қаторида "9 май"ни биз хотира ва қадрлаш сифатида нишонлаймиз. Чунки бу кунга етганлар бор, етмаганлар бор. Менинг бувам 1941 йили иккинчи жаҳон уришига кетиб, 1946 йилда кўкси медалга тўлиб қайтиб келган. Лекин бахтга қарши унинг кулоғи оғир бўлиб қологан. Бувамнинг айтишига қараганда, душманга қарши югуриб кетаётганида (қўлида қуроли бор экан), ёнгинасида "снаряд" портлаб кетган экан. Шунда бувамнинг кулоқлари гувиллаб, ҳеч нарсани эшитмай қолган. Шу пайтда оёғидан ҳам яраланган бўлган. Бундай вазиятда ҳам у чекинмасдан олға қадам ташлаган. Бир пайт юрса "шилқ-шилқ" деган овоз кела бошлаганини сезиб қолган. Қараса этигининг ичи қон экан. Кўп қон йўқотганидан хушидан кетиб қолган. Уни ҳамширалар топиб олиб (бахтига) касалхонага ётқизишган. Бир пайт хушига келиб қараса касалхонада ётган эмиш. Оёғимни кесиб ташлашдимикин деган хаёлга борган. Қараса оёқлари жойида бўлиб, ҳамширалар айтишича енгил жароҳат олган экан. Касалхонада кўп вақт ётиб қолиб, тузалгандан сўнг тўғри урушга жўнатишган. Ҳар гал бошидан ўтганини гапириб бўлгандан сўнг бувам бизга кўп насихат қиладилар:

МАРДЛАР КҮРИКЛАЙДИ ВАТАННИ

НАФРАТ

*Онасин хўрлаган қариндошларим,
Япроққа айланган гул бардошларим.
У дунё бу дунё гуноҳга ботган,
Ватанда ватансиз ватандошларим.
Иймони оёқда топталган акам,
Қалбини меҳрла ёлмаган акам.
Дўст сотиб, душманни сотмаган акам,
Ватанда ватансиз ватандошларим.
Катта йўлда юриб қоқилган одам,
Нафрат ботқоғига отилган одам.
Қисмати гуноҳга ёзилган одам,
Ватанда ватансиз ватандошларим.
Аслида, ҳеч кимни чин йиққан эмас,
Бағри кенг ватанга ким сиққан эмас?..
Онани тонар: Буни мен туққан эмас,
Ватанда ватансиз ватандошларим.
Сен гулни хазонга олишдинг нечун,
Пок туйғуни қонга олишдинг нечун?..
Ул улусинг билан олишдинг нечун,
Ватанда ватансиз ватандошларим.
Юраги ўч билан бойланганларим,
Кўнгил сойин суви лойланганларим.
Шайтоннинг қулига айланганларим,
Ватанда ватансиз ватандошларим.
Сен ахир инсоннинг фарзанди эдинг,
Биринг ўғил, биринг асранди эдинг.
Шу элнинг тузи-ю, нонини единг,
Ватанда ватансиз ватандошларим.
Юрт қолиб, вайрона макон айлабсан,
Ўз ака-укамени қурбон айлабсан.
Сен бўйинингга лаънат гулин бойлабсан,
Ватанда ватансиз ватандошларим...*

Жўрабек Рамазонов.
Бойсун туманидаги
1-мактаб ўқувчиси

Сизлар бундай нарсаларга тайёр бўлиб туришинглар керак. Уруш жамият ва давлат ҳолатига фалокатли таъсир кўрсатади. Бу - урушнинг табиий йўлдоши бўлган иқтисодий варонгарчиликдангина эмас, балки республиканинг келажаги учун муҳим аҳамият касб этувчи бошқа соҳаларда ҳам намоён бўлади, дейдилар. Менинг ўз республикамиз йигитларига айтадиган сўзларим шундан иборатки, ўз Ватанингиз олдидаги бурчингизни адо этинглар. Уни ўз бўйингиздаги қарзингиз деб билинг.

Адам Ватан олдида ўз бурчини бажармоқ учун кетганда, бувамга адамдан хат келиб тураркан. Бир хатида адам шеър ҳам ёзиб юборган экан:

Кетай бу ерлардан тезроқ,
Қора кўзларни соғиндим.
Азиз онам, қариндошлар,

Бувамнинг гапларида жон бор. "Яхши ниетли йигитлар"нинг кўпчилиги тинчлик ва тартибини таъминлаш, можароларни тўхта-тиб, унинг олдини олиш билан Ватанига хизмат қилмоқдалар. Уларни биз чин йигитлар десак арзийди. Осмонга кўтариб мақтасак ҳам кам. Мен ҳамма буваларни, оталарни ва йигитларни 14 январь куни билан қутлайман ва соғ-бардам юриб Ўзбекистонга хизмат қилишларини тилаб қоламан.

Нигора Юсунова.
300-лицей мактаб,
8-"А" синф

ШЕЪРИЯТГА БОШУСОТЛА ДИЛАР

Шеърят! Бу инсоннинг юрагидан қайнаб чиққан тошқин дарёдир. Бу дарё шунчалик чуқур ва тиниқки, унда юракдаги барча гўзаллик, нафосат ва жозоба ўз аксини топади. Бу борада қалам соҳиби ҳеч кимга айта олмайдиган, энг нафис ва энг нозик ҳиссиётларини шеърга солишга қодир. Бу эса туғма истеъдод билан биргаликда ўзига хос заковат ва маҳоратни талаб қилади. Инсон энг юксак чўққиларни қалби билан забт этади. Шоирнинг туйғуси ҳам, ёғдуси ҳам қаламида...

Атрофга сергак кўз билан назар солсангиз, ҳар бир қалбада бир шоир яшайди. Ҳар қандай шеърятга ташна кўнгилда эса, энг сара, энг гўзал бир шеър яшайди. У лаҳза сайин маънавият оламини бойитиб боради.

Шеърят машъали кундан-кунга алангаланиб, соф кўнгилларга иссиқ меҳр улашади. Ана шундай оловларнинг учкунлари шу кеча кундузда пойтахтимизнинг сўлим масканларидан бирида тўпланиб, шеърятнинг жон ато этувчи нурларида тобландилар...

Алишер Навоий номидаги республика нафис санъат лицейида навбатдаги "Нафосат" анжумани бўлиб ўтди. Тадбирни халқ таълими вазири Жўра Фаниевич Йўлдошев очди. Байрамда турфа хил шеър, алёрлар билан биргаликда тилимизнинг 10 йиллигига бағишланган саҳна кўринишлари ўз ифодасини топди. Беш йилдан буён ўтказилиб келаётган

бу анжуманда нафақат ёш ижодкор, шу билан биргаликда етук ёзувчи, шоирларимиздан Сафар Барноев, Икром Отамурод, Турсунбой Адашбоев иштирок этишди.

Тўйга тўёна билан деганларидек, ҳар бир вилоятдан ташриф буюрган ижодкор ўқувчилар ўз ижодларидан намуналар ўқишди. Айниқса, сурхондарёлик Жўрабек Рамазонов, андижонлик Раъно Зияйдинова ва лицей

ижодкор ўқувчиларининг ижоди барчага манзур бўлди. Тадбир сўнгида ёш қаламкашларга Президент совғалари топширилди.

Биз анжуман сўнгида самарқандлик ижодкор ўқитувчи Олқор Даминнинг таассуротлари билан ўртоқлашдик.

- Мен мана шундай республика "Нафосат" кўригига бир неча йилдан бери ўқувчиларим билан иштирок этаман. Мен ўйлайманки, Президентимизнинг иқтидорли ёшларга эътибор бериши катта аҳамиятга эга. Бу "Нафосат" анжумани олис қишлоқларда қизгин ижод билан машғул бўлган истеъдодли, серқирра ижодкорларни кашф қилмоқда десак муболага бўлмайди, - дейди жумладан Олқор Даминов.

"Нафосат" деб ном олган мазкур анжуманда иштирок этар экансиз сатрларнинг сеҳрли силсиласида яшаган Навоийнинг издошлари кўплигининг гувоҳи бўласиз. Республикамининг турли вилоятларидан қатнашган навниҳол шеърятга ошуфта диллар ижоднинг қайсидир қалтис тилсимларидан яна биттасини очгандек гўё...

Умид қиламизки, бундай анжуманлар тез-тез ўтказилиб турса, ёшларимиз етук ва баркамол келажак сари ўз йўлидан оғишмай одимлаб бораверади.

Муҳиддин Абдусаматов,
ТошДУ журналистика факультети
1-курс талабаси.

ТИЛАК

*Майин шаббодалар қоқади қанот,
Йилларнинг ортидан ўтади йиллар.
Замон ўзгаради, ўзгарар ҳаёт,
Ўзгармас соф диллар, ўзбакий тиллар*

*Эй дўстим, минмагин кибр отига,
Бўлмагил ҳеч қачон нафсинг қули.
Унутма, барибир бўлади хазон,
Қора қуш самода сақлаган гули.*


*Ортиндан қолдиргин эзгу хатират,
Яхшига суянгин ёмонлардан қоч.
Меҳрингни ҳеч кимдан дариг тутмагил,
Бағрингни ҳамини муҳтожларга оч!*

Раъно ЗИЯЙДИНОВА,
Андижон вилояти, Булоқбоши туманидаги 10-иқтисослаштирилган мактаб интернати ўқувчиси.

“ШПАРГАЛКА” БЕРГАН ЎҚИТУВЧИЛАР - ИШДАН БЎШАТИЛДИЛАР

Нью-Йорк. АҚШ мактаблари тарихида кўз кўриб-қулоқ эшитмаган кўзбўямачилик фош этилди. Ўтказилган текширишлар шуни кўрсатдики, текширилган 30 та мактабнинг 50 нафар ўқитувчиси имтихон пайтида ўқувчиларини имтихон саволлари билан яширинча таъминлаган. Имтихон вақтида эса ўқувчиларга китоблар ва “шпаргалка” етказиб берган.

Нега шундай? Ушланган ўқитувчиларнинг ҳеч бири ўқувчисидан соф “пора” олганлиги аниқланмади. Маълум бўлишича, бу “ёрдам”нинг самараси кейинроқ билинар экан. Яъни, ўқув йили охирида қайси мактабда ўқувчиларнинг ўзлаштириш даражаси юқори бўлса, ўша мактаб учун шаҳар ҳокимияти ҳазинасидан кўпроқ маблағ ажратилади. Мактабнинг бундай юқори даражада молиялаштирилишидан биринчи навбатда ўқитувчилар манфаатдор бўлади.



ДУНЁДАН ДАРАЖАДАР



ФАЗОДАН КЕЛГАН “МЕҲМОН”

Австралияда - Сидней шаҳридан 500 км узоқликдаги майдонга тушган номаълум доҳий объект ерда 12 метр чуқурликда жар ҳосил қилди. Бу фазовий “меҳмон” нима эканини аниқлаштириш ишлари давом этмоқда.



САБЗАВОТНИ ҚАЙНАТИБ ЕГАН МАЪҚУЛМИ, ЁКИ ХОМЛИГИЧА?

Англиядаги озиқ-овқат илмий-тадқиқот институти мутахассисларининг фикрича, сабзавотларни пишириб истеъмол қилиш фойдалироқ экан. Масалан, инсон вужуди қайнатилган сабзидан хом сабзига қараганда каратиноид моддасини 5 марта кўп ўзлаштирар экан. Бунинг сабаби шундаки, қайнатилган вақтда сабзининг хужайралари юмшаб, ундаги фойдали моддалар инсон ичагида сўрилиши учун анча тайёр бўлиб қолар экан. Бошқа сабзавотларда ҳам худди шунақа “яримтайёр маҳсулот”га айланиш жараёни кечади. Шунинг учун, гарчи қайнатилган сабзавотнинг витамин (дармондори)лари бироз камайиб қолса-да, қолганларининг ҳаммаси инсонга тўлиқ ҳазм бўлар экан. Ҳа, оз қолса-да, соз қолар экан. Одам боласи учун “соз”и маъқул.



ЮРГАН - ДАРЁ, ДЕЙДИЛАР...

Ҳар йили дунё бўйича олти миллиард саёҳат амалга оширилади. Иқтисодчиларнинг ҳисоб-китобларига қараганда сўнгги 20 йил давомида катта-кичик саёҳатлар учун сарфланган харажатлар миқдори беш марта ўсган. Агар 1990 йилдан инсоният туризмга 3.2 триллион доллар сарфлаган бўлса, 2000 йилда бу рақам 4.2 триллионга етиши башорат қилинмоқда. Бу харажатларга йўлқира, ётоқхона ижараси, овқатланиш ва бошқа хизматлар ҳақлари қиради. Сайру саёҳат ишқибозларига хизмат кўрсатувчи ходимлар сони ҳам 2000 йилда 250 миллион нафардан ортиши аниқ.




Захрохон 6 та хато топди.

Юнусобод туманидаги 63-мактабнинг 7-А синф ўқувчиси Захро Мирсаидова 6 январда кетган 6 хатони топди. Айниқса у биз кутган, аммо ҳамма ҳам дарҳол айтиб бера олмаган хатони топди. Раҳмат, сенга Захро! Топағонлигинга- «5»баҳо!

КЎЗГА КЎРИНМАС - КИТ

Тинч океанининг Перу мамлакатига яқин соҳилларида китнинг янги тури аниқланди. Узунлиги 4 метрли, кўриниши дельфинга ўхшаш бу жонивор кўпдан бери мутахассислар эътиборини ўзига жалб этиб кетарди.

Бунақа китни океанчилар сўнгги марта 1963 йилда кўрган эдилар. Бу жонивор шунақанги чаққон, шунақанги қўлга тушмас



чаптаст эканки, унинг нима эканини олимлар бу китнинг ўнлаб мурдаларини текширгач аниқладилар. Ҳа, бу тур китлар фақат ўлганидагина уларни сув тўлқинлари қирғоққа чиқариб ташлайди. Бу чаптаст китнинг бирорта тиригини ушлаб бўлмаган. У хатто кемаларга ҳам яқин йўламайди. Сув остида бир соат қола олади. Шундай бўлса-да, тақдир бу қўлга тушмас жониворларни одамлар қўлига тутқазди ва фан яна I тур жонивор ҳақидаги маълумот билан бойиди.

Билағон болалар диққатига!

Сиз «Тонг юлдузи» газетаси саҳифаларида учрайдиган хатоларни албатта топиб, бизга ёзиб юборинг. Чунки атайин билағон ва топағонлигингизни синаш мақсадида ҳарфлар тушириб қолдирилади ёки қўшиб қўйилади. Тиниш белгилари ўз ўрнида ишлатилмайди...

Мақсадимиз: Билимли бўлинг. Чунки осмонни юлдузлар, ерни эса сезгир ва зукко билимлилар безар!

Сизнинг «Тонг юлдузи»нгиз.

“MAV” Ўзбек-нингиз қўшим корхонаси

Тўғрида, кўчи, мол

Тавонинг ва маънавиятига ҳар бир инсон соҳибиди.


Аниқ 2 дақиқа

DANDY


Quickly and Tasty

ТЕЛ: 672677
ФАКС: 685767


DANDY




Иккита бир хил буюмни топинг.




Иккита бир хил китобни топинг.




Лабиринтдан чиқишга ёрдам беринг.




6 та фарқни топинг.



Иккита бир хил Жеррини топинг.



Лабиринтдан чиқишга ёрдам беринг.



Том кимни тортиб олади?



8 та фарқни топинг.

Келажак авлоднинг ўқимишли, билимдон, соғлом ўсиши учун уларга катта эътибор қаратилган. Юртбошимиз 2000 йилни «Соғлом авлод» йили деб эълон қилганлари ҳам шундан далолатдир. Шу жумладан, нашриётлар ҳам 2000 йилда улкан режалар тузиб, ўқувчиларга қизиқарли ва ўқимишли китоблар чоп этмоқдалар. Уларнинг режалари билан яқиндан танишиш ва сизларни хабардор қилиш мақсадида «Чўлпон» нашриёти бош муҳаррири Анвар Мадраҳимов Собиржонович билан суҳбатлашдик:

- Анвар ака, «Чўлпон» нашриёти боғча болалари, бошланғич синф ўқувчилари ва ўсмирларга атаб адабиётлар чоп этишга ихтисослашган республикамиздаги ягона нашриётдир. Ўтган 1999-йилда нашриёт қандай ишларни амалга оширди?

- Йил бошида режалар белгилаб олдик ва шу режага асосланиб иш бошладик. Режа икки босқичдан иборат бўлиб, унда турли мавзудаги адабиётлар қамраб олинган. Биринчи босқичда боғча болалар ва бошланғич синфлар учун, иккинчи босқичда эса юқори синф ўқувчилари ва ўсмирлар учун китоблар чоп этиш кўзда тутилган эди. Аксари китобларни лотин алифбосида чоп этира бошладик. Лотин ёзувлари билан ёнма-ён кирилл ҳарфлари ҳам берилди. Бу ўз навбатида ўқувчиларга ёрдам бериб, янги алифбони тезроқ ўзлаштириб олишларига имкон яратади. Мавзулар доираси ҳам анча кенгайтирилди. Мақсад, адабиёт, тарих, табиат, иқтисод фанларини соддалаштириб, болаларга осон таништириш, уларга енгил маълумот бериш эди.

- Шундай китоблардан айрим-


ларини мисол келтирсангиз.

- Ўтган йили лотин алифбоси-

ёзилган. Шунга таъкидлаб ўтиш жоизки, бугунги кунда санъатга катта аҳамият берилмоқда. С.Бўлатов-

«ЧўПЧАК» БИЛАН АЛДОЛМАЙСИЗ

да чоп этилган 60x90 форматдаги, тўрт рангдан иборат безакли ва суратли китоблар ҳозирда ўқувчилар қўлида. Жумладан, Қуддус Муҳаммадийнинг «Дастурхоним ёйилди» ёки Анвар Обиджон, Турсунбой Адашбоевларнинг «Хуштак чалиб турасиз», Абдусалом Умаровнинг «Коинотга саёҳат» китоблари. Бундан ташқари Давлат Матбуот қўмитаси нашр этган конкурс ғолиблари китоблари ҳам шулар қаторига кирилади. А.Носировнинг «Анжир бобо», И.Ахроровнинг «Бозорга юзланган бола», Ҳ.Имомбердиевнинг «Бир кунлик мўъжиза» шулар жумласидандир. Тарихимизга чуқур эътибор қаратилган ҳамдам Содиқовнинг «Султон Жалолдин Мангуберди» номли китоби Жалолдин Мангуберди таваллудининг 800 йиллигига атаб



нинг «Нақш алифбоси» китоби нақш чиқишнинг дастлабки босқичлари ҳақида ўқувчиларга кенг ва лўнда маълумот беради. Ўқувчининг дунёқарашини шаклланишида катта аҳамият касб этади.

-Ўзингиз ҳам ижодкор экансиз, муаллифлик қилган китобларингиз ҳақида нима дея olasиз?

- Сирасини айтганда болалар учун китоб ёзиш менинг энг сеvimли машғулотим. Улар жуда самимий, ишонувчан, тўғрисиўз бўлишади. Ҳозирги ёшларни «чўпчак»лар билан алдолмайсиз. Шунинг учун ҳам китобларимда тарихни, атроф-муҳитни, табиат мўъжизаларини, ғаройиботларни соддалаштириб тушунтиришга ҳаракат қиламан. «Тулкининг ғаройиб саргузаштла-

ри» китобимга ўтган йили лауреат бўлдим. Бу китобда тулкилар ҳақида қизиқарли маълумотлар берганман. Албатта, ҳар бир китобим ичида турли ўйинлар бераман. Рассом Жирнов ишлаган «Кўкчаллик болалар» китобим ҳам бундан мустасно эмас. Тез кунларда «Расмли алифбо», «Ким чаққон» номли китоблар ўқувчилар қўлига етиб боради деган умиддаман.

- «Чўлпон» нашриётининг 2000 йилдаги мавзу режалари ҳақида тўхталиб ўтсангиз.

- 2000 йилдаги режалар ўтган йилдаги режалардан катта фарқ қилади. Нашриёт жамоаси янги йилда болажонларга атаб «Чўлпон кутубхонаси» серияси остида 24 та номдаги китобни нашр этиб, газета-журнал обуна каталогига киритди. Мазкур серияга матбуот тарқатиш бўлимлари орқали обуна ҳар жиҳатдан қулай. Юқорида айтганимдек, 2000 йилдан бошлаб китобларни лотин алифбосида ўқийдиган ўқувчилар сони яна ортади. Бу эса янги алифбода қўшимча адабиётларни кўпроқ чоп этишни тақозо этади.

- «Чўлпон кутубхонаси» сериясида нашр этиладиган рўйхатга қандай китоблар киритилган?


- Илмий-оммабоп адабиётлар ўтган йилги режада умуман йўқ эди. Рўйхатга илмий-оммабоп адабиётлар, мумтоз адабиёт киритилган. Ўқувчиларимиз Алишер Навоий, Машраб, Оғаҳий, Фаҳриддин Али Кашфийлар ҳақида маълумотга эга бўладилар. Бундан ташқари эртақлар, ҳикоялар, шеърлар болажонларни ҳурсанд қилади, деб ўйлайман.

- Суҳбатингиз учун раҳмат. Эзгу ишларингизда муваффақиятлар тилаймиз!

ГУЛЮЗ суҳбатлашди.

Азиз болажонлар, уйингизда бир-бирдан зўр, аммо анча эскириб, йиртилиб кетган китоблар бўлса, биз сизга уларни ямаб, янги холга келтиришни айтиб ўтмоқчимиз.

1. Биринчи бўлиб, титилиб кетган китобнинг муқовасини ичидаги варақлардан ажратиб олиш керак. Кейин муқовани ҳам, варақларни ҳам бир-бирдан уларнинг ипчаларидан, симчаларидан бўшатиш керак. Ажратиб, йирти-







либ олинган варақларни бирлаштириб, папирус қоғози билан ёпиштирилади.

2. Барча варақлар тартиб рақами билан, текис қилиб бирлаштирилади ва оқ қоғоз билан усти-

дан ҳам тагидан ҳам бирлаштири-либ, ёпиштирилади.

3. Сўнгра варақлар чап тараф четидан, чиройли қилиб узунасига, бўйига 5-8 тагача тешилади. Ана



O'qituvchi - Aytingchi, yer yuzida eng sovuq joy qayer?

O'quvchi: - Bizning sinf!

- Elektr energiya bilan yorug'lik o'rtasida qanday farq bor?

- Yorug'likka pul to'lanmaydi.

KS-Namuncha voy-voylamasangiz,

oni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni

ni


ni

ni

ni

ni

ni




Lofchi:

- Men hovlida futbol o'ynayotgandim, to'pni shunaqa baland tepdimki, u ikki soatcha bulutlar orasida ko'rinmay ketdi.

Shunda ikkinchi lofchi:

- Shuyam to'p tepishmi?

Men kechagi tepgan to'p xaligacha yerga tushgani yo'q!



tishingizga hali omburni tekkizganim yo'q-ku!

- Qadog'i bor oyog'imni bosib turibsiz, doktor.



1926 yilda Pragalik bir ayol farzand ko'rgan. Bolaning yuragi tashqarida joylashgan ekan. Uning faoliyati sust bo'lib, badan harorati 40 darajada bo'lgan.


1967 yilda Belgrad yaqinidagi Jarkov shahrida Ramo Asmo degan yosh bolaning yuragi ikkita ekan. Ularning biri chap tomonda, joylashgan. Ikkala yurak

ham hajm jihatidan normal yurakdan kichikroq bo'lib vazifasini bemaolol bajargan.

Gonkongdagi gazetalarning birida bengaliyalik 24 yoshli Sikumas Dasning oshqozoni oltita ekan. Shuning uchun ham u kuniga 80 kilogrammdan ovqat yeyar ekan. Shulardan 15 kilogramm non, 2 kg. garchisa, 15 litr sut, 30 litr suv icharkan.

Italiyaning janubidagi Vezuviy vulqoni ovro'pa qit'asidagi yakkayu-yagona so'nmagan vulqon hisoblanadi. Milodning 79-yilida gullab turgan Pompey, Stopiya shaharlari shu vulqonning qaynoq oqimi tagiga qolgan.

Dunyo ummoni bitmas-tuganmas tuz koni hisoblanadi. Undagi tuz zahirasi 120 billion yilga yetadi, deb taxmin qilinmoqda.



Sen o'qishda, mehnatda, intizomda va jamoat ishida boshqa o'quvchilarga o'rnak bo'lishing kerak.

Gazetaga: maktab va sinfingdagi yaxshi ishlarni, qiziq voqealarni, turli to'garaklarda hunar o'rganayotgan o'rtoqlaring to'g'risida, dalalarda, chorva fermalarida otonalariga ko'maklashayotgan tengdoshlaring haqida, yosh tabiatshunoslar, o'lkasevar sayohatchilar, jonkuyar yetakchilar, sport bilan shug'ullanayotgan tengdoshlaring va ularning ishlari haqida yozib yubor. Sen va o'rtoqlaring nimalar haqida tortishasizlar, bo'sh vaqtlarni qanday o'tkazasizlar, shular haqida yoz. Gazetamizda chiqqan maqolalarni sinfdoshlaring bilan muhokama qil, ular haqida fikringni yozib yubor.

Bir maqolada hamma narsalar haqida yozma, yaxshisi bir faktni olib uni mukammal yoritishga harakat qil.

Kamchiliklaridan ko'z yumma. Ular haqida darhol xabar qil. Lekin yozishdan avval uni to'g'riligini tekshir. O'z devoriy gazetangning aktiv muxbiri bo'l.

Xat yozganda qaysi maktabda, nechanchi sinfda o'qishingni, sen a'zo bo'lgan to'garak nomini, ism-familiyangni to'la ko'rsat.

Ўзбекистон болалари
ва ўсмирларининг
газетаси

Муассислар:
ЎЗБЕКИСТОН
РЕСПУБЛИКАСИ
ДАВЛАТ МАТБУОТ
ҚЎМИТАСИ
ЎЗБЕКИСТОН
РЕСПУБЛИКАСИ
ХАЛҚ ТАЪЛИМИ
ВАЗИРЛИГИ,
«СОҒЛОМ АВЛОД
УЧУН»
ХАЛҚАРО ХАЙРИЯ
ЖАМФАРМАСИ

БОШ МУХАРРИР:
Умида АБДУАЗИМОВА

ТАХРИР ХАЙЪАТИ:

Шухрат АҲМЕДОВ,
Йўлдош САИДЖОНОВ,
Гулнора ЙЎЛДОШЕВА,
Хотам АБДУРАИМОВ,
Мукаррама МУРОДОВА,
Суннатилла ҚЎЗИЕВ,
Эргашвой САРИҚОВ,

Ижарадаги Тошкент
Матбаа комбинатида
офсет усулида 39092
нускада босилди. Ҳажми
2 босма табоқ,
Буюртма - К-7621
Газетани PENTIUM-II
тпх компютерида
Абдухамид
АБДУҒАФҒОРОВ
саҳифалади.

Рўйхатдан ўтиш
тартиби № 000137
Манзилимиз
700129,
Тошкент шаҳар,
Навий кўчаси 30-уй.

Тел: 144-62-34